



Broj: 01-14-4-6128/18
Datum : 12.12.2018. godine

Na osnovu člana 108. stav (2) Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine”, broj 35/05), člana 21. stav (3) tačka c) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16) i člana 100. stav (3). Zakona o javnim nabavkama („Službeni glasnik BiH”, broj 39/14) – u daljem tekstu: ZJN u postupanju po žalbi kompanije BOSNA – KOM d.o.o. Gračanica zastupane po prokuristu bez ograničenja Mejremić Mustafi, izjavljenoj na odluku o izboru najpovoljnijeg ponuđača u postupku javne nabavke „Namjenskih ormara i klupa za svlačionicu za potrebe Uprave policije, Ministarstva unutrašnjih poslova Kantona Sarajevo“ – Otvoreni postupak ministar unutrašnjih poslova Kantona Sarajevo, d o n o s i:

ODLUKU

o poništenju postupka javne nabavke „Namjenskih ormara i klupa za svlačionicu za potrebe Uprave policije, Ministarstva unutrašnjih poslova Kantona Sarajevo”

I

Na osnovu Obavještenja o nabavci broj 1364-1-1-44-3-35/18 od 22.10.2018. godine, iniciran je otvoreni postupak Javne nabavke „Namjenskih ormara i klupa za svlačionicu za potrebe Uprave policije, Ministarstva unutrašnjih poslova Kantona Sarajevo”.

Obzirom da je u postupanju po žalbi ponuđača BOSNA – KOM d.o.o. Gračanica zastupane po prokuristu bez ograničenja Mejremić Mustafi, izjavljenoj na odluku o izboru najpovoljnijeg ponuđača u postupku javne nabavke „Namjenskih ormara i klupa za svlačionicu za potrebe Uprave policije, Ministarstva unutrašnjih poslova Kantona Sarajevo“ usvojen jedan žalbeni navod, poništava se postupak javne nabavke „Namjenskih ormara i klupa za svlačionicu za potrebe Uprave policije, Ministarstva unutrašnjih poslova Kantona Sarajevo“.

II

Ova Odluka stupa na snagu danom donošenja.

Obrazloženje

Dana 06.09.2018. godine od strane ovog Ministarstva donesena je odluka broj 01/14-4-6128 kojom je pokrenut postupak javne nabavke “Nabavka namjenskih ormara i klupa za svlačionicu za potrebe Uprave policije, Ministarstva unutrašnjih poslova Kantona Sarajevo“. Povodom navedene Odluke sačinjena je Tenderska dokumentacija i objavljeno Obavještenje o nabavci broj 1364-1-1-44-3-35/18 od 22.10.2018. godine na portalu javnih nabavki. Tenderska dokumentacija je obezbjeđena za preuzimanje potpuno besplatno, te je istu u periodu od 22.10.2018. godine do 24.10.2018. godine preuzelo ukupno 19 potencijalnih ponuđača a izmjene i dopune tenderske dokumentacije je u periodu od 26.10.2018. godine

1/4



web: <http://mup.ks.gov.ba>
e-mail: kabinet@mupks.ba
Tel: + 387 (0) 33 286-701, Fax: + 387 (0) 33 226-445
Sarajevo, La Benevolencia br.16



do 15.11.2018. godine preuzelo ukupno 10 ponuđača. Prema Tenderskoj dokumentaciji i Obavještenju o nabavci datum i vrijeme otvaranja ponuda predviđeno je za 20.11.2018. godine u 10:00 sati.

Ponuđač BOSNA – KOM d.o.o. Gračanica tendersku dokumentaciju je preuzeo dana 24.10.2018. godine u 22:28 sati a izmjene i dopune tenderske dokumentacije preuzeo je dana 15.11.2018. godine u 9:22 sati, te uzeo aktivno učešće u postupku javne nabavke dostavljanjem ponude.

Nakon izvršenog otvaranja ponuda koje su pristigle u za to predviđenom roku Komisija je pristupila analizi dokumentacije priložene uz ponudu u smislu provjere njene validnosti obzirom na iskazane zahtjeve Ugovornog organa u tenderskoj dokumentaciji, odnosno, vrednovanju ponuda u skladu sa procedurama i pravilima utvrđenim tenderskom dokumentacijom, ZJN i pripadajućim podzakonskim aktima.

Ponude svih ponuđača su dostavljene u zapečaćenoj koverti, sadrže original i kopiju ponude, a obje verzije su uvezane i zapečaćene jemstvenikom.

Ponuda ponuđača Adut plus d.o.o. Banja Luka: Cijena ponude je 43.711,00 KM bez PDV-a. Obračunati PDV je 7430,87 KM i ukupna cijena ponude sa PDV-om je 51.141,87 KM. Cijena je upisana brojevima i slovima na obrascu za cijenu ponude i nacrtu ugovora.

Ponuda ponuđača Mira Mar d.o.o. Foča: Cijena ponude je 32.796,00 KM bez PDV-a. Obračunati PDV je 5575,32 KM i ukupna cijena ponude sa PDV-om je 38.371,32 KM. Cijena je upisana brojevima i slovima na obrascu za cijenu ponude i nacrtu ugovora.

Ponuda ponuđača Salon Bankarske opreme d.o.o. Sarajevo: Cijena ponude je 52.317,00 KM bez PDV-a. Obračunati PDV je 8.853,89 KM i ukupna cijena ponude sa PDV-om je 61.210,89 KM. Cijena je upisana brojevima i slovima na obrascu za cijenu ponude i nacrtu ugovora.

Ponuda ponuđača BOSNA - KOM d.o.o. Gračanica: Cijena ponude je 51.930,00 KM bez PDV-a. Obračunati PDV je 8.828,10 KM i ukupna cijena ponude sa PDV-om je 60.758,10 KM. Cijena je upisana brojevima i slovima na obrascu za cijenu ponude i nacrtu ugovora.

Obzirom da ponuda ponuđača Adut plus d.o.o. Banja Luka nije sačinjena u skladu sa kriterijima postavljenim u tenderskoj dokumentaciji, navedena ponuda nije kvalifikovana.

Razlog je:

I. Ponuđač Adut plus d.o.o. Banja Luka je u cilju dokazivanja tehničke i profesionalne sposobnosti ponuđača dostavio potvrdu MUP RS broj 09/1-052-2873/18 od 19.11.2018. godine o uspješno izvršenim ugovorima iz oblasti isporuke robe čiji su karakter i kompleksnost isti ili slični sa predmetom nabavke, sa ukupnom ugovorenom vrijednosti minimalno 50% procijenjene vrijednosti nabavke. Prema navodima iz potvrde ugovor je zaključen dana 04.07.2018. godine.

Tenderskom dokumentacijom zahtjevana je dostava Potvrde o uspješno realizovanom jednom ugovoru iz oblasti predmetne nabavke (nabavka i isporuka ormara za presvlačenje i klupa za svlačionicu), za period 2016-2017. godina, u vrijednosti od minimalno 50 % procijenjene vrijednosti nabavke. Obzirom da je

2/4



web: <http://mup.ks.gov.ba>
e-mail: kabinet@mupks.ba
Tel: + 387 (0) 33 286-701, Fax: + 387 (0) 33 226-445
Sarajevo, La Benevolencija br.16



ugovor potpisan i izvršen tokom 2018. godine, dostavljena ponuda ne odgovara uslovima iz tenderske dokumentacije.

U vezi sa navedenim dana 29.11.2018. godine donesena je odluka o izboru ponuđača za nabavku „Namjenskih ormara i klupa za svlačionicu za potrebe Uprave policije, Ministarstva unutrašnjih poslova Kantona Sarajevo“, te je kao najpovoljniji ponuđač odabran Mira Mar d.o.o. Foča. Navedena odluka dostavljena je svim ponuđačima redovnom poštom, te javno objavljena na internet stranici ovog Ministarstva. Ponuđač Mira Mar d.o.o. preuzeo je navedenu odluku dana 05.12.2018. godine.

Dana 11.12.2018. godine Komisija za javne nabavke ovog Ministarstva obavještena je da je putem faks uređaja dostavljena žalba ponuđača BOSNA KOM d.o.o. Gračanica. Ista je dostavljena i na e mail Komisije za javne nabavke dana 11.12.2018. godine u 12:00 sati.

Kao prvi žalbeni osnov ponuđač navodi da je za ugovorni organ postojala obaveza traženja pismenog obrazloženja neprirodno niske cijene ponude u skladu sa članom 17. stav (7). Uputstva za pripremu tenderske dokumentacije i ponuda („Službeni glasnik Bosne i Hercegovine“ br. 90/14 i 24/15).

Ugovorni organ je u cilju obrazloženja navedenoga utvrdio da provjera neprirodno niske ponude ukazuje na to da je prosječna cijena preostalih ponuda bez PDV-a iznosi 52.123,50 KM te da je ponuda prvoplasiranog ponuđača Mira Mar d.o.o. Foča 37,08 % niža od prosječne cijene preostalih prihvatljivih ponuda ukoliko su primljene najmanje tri prihvatljive ponude što u ovom postupku nabavke i jeste slučaj. Iz navedenog razloga žalbeni navod je odbijen.

Drugi žalbeni navod je da ponuđač nije dostavio validnu izjavu predviđenu Aneksom VI tenderske dokumentacije. Provjerom sadržaja ponude ponuđača Mira Mar d.o.o. Foča utvrđeno je da je uz ponudu dostavljena potrebna dokumentacija, ali da ponuđač nije dostavio izjavu na formularu koji je preuzeo u okviru ispravke tenderske dokumentacije 12.11.2018. godine te je iz navedenih razloga žalbeni navod usvojen.

Treći žalbeni navod je da je ponuđač uz ponudu dostavio izjavu u kojoj je naveo da je ostvario ukupni promet u 2017. godini u iznosu od 102.250,00 KM.

Provjerom sadržaja ponude ponuđača Mira Mar d.o.o. Foča utvrđeno je da je ponuđač dostavio izjavu koja glasi:

„Izjavljujemo pod punom odgovornošću da smo u 2017. godini u predmetu javnog nadmetanja ostvarili promet od 102.250,00 KM.“

Tenderskom dokumentacijom tražena je dostava izjave o ukupnom prometu ponuđača u 2017. godini, ili od datuma registracije, odnosno početka poslovanja, ako je ponuđač registrovan odnosno počeo sa radom prije manje od godinu dana.

Provjerom bilansa uspjeha za 2017. godinu ponuđača Mira Mar d.o.o. Foča utvrđeno je da su prihodi od prodaje robe ponuđača u 2017. godini prijavljeni nadležnim državnim organima u iznosu od 250.444,00 KM te je navedeni podatak iskorišteno u cilju dokazivanja ekonomsko finansijske sposobnosti, odnosno činjenice da ukupan godišnji promet u 2017. godini, odnosno od početka poslovanja, ako je ponuđač registrovan, odnosno počeo sa radom prije manje od godinu dana, nije ispod dvostrukog iznosa procjenjene vrijednosti nabavke.

3/4



web: <http://mup.ks.gov.ba>
e-mail: kabinet@mupks.ba
Tel: + 387 (0) 33 286-701, Fax: + 387 (0) 33 226-445
Sarajevo, La Benevolencija br.16



Iz navedenog razloga žalbeni navod je odbijen.

Četvrti žalbeni navod je da ponuđač nije u za to predviđenom roku dostavio original ili ovjerene kopije dokaza koje je dužan dostaviti u roku od 5 dana od dana prijema odluke o izboru najpovoljnijeg ponuđača. Provjerom dokaza o uručenju poštanskih pošiljki utvrđeno je da je ponuđač Mira Mar d.o.o. Foča primio Odluku o izboru najpovoljnijeg ponuđača dana 05.12.2018. godine te da je dostava traženih dokaza izvršena u za to predviđenom roku.

Iz navedenog razloga žalbeni navod je odbijen.

Komisija za javne nabavke je u skladu sa navedenim, jednoglasno predložila ministru Ministarstva unutrašnjih poslova Kantona Sarajevo, da poništi postupak javne nabavke.

Cijeneći naprijed navedeno donesena je odluka kao u dispozitivu.

POUKA O PRAVNOM LIJEKU:

Protiv ove Odluke dopuštena je žalba koja se podnosi Ministarstva unutrašnjih poslova Kantona Sarajevo u roku od 5 (pet) dana od dana prijema obavijesti, a u skladu sa članom. 99. i članom 101. stav (5) Zakona o javnim nabavkama. Žalba ne odlaže izvršenje rješenja.



Dostaviti:

1. Upravi podrške;
2. Komisiji za nabavke;
3. Odjeljenju za odnose sa javnošću;
4. Žalitelju;
5. Ponuđačima u postupku javne nabavke;
6. a/a.

